

瓠北集

第十一册

歐北集卷三十一

起丁未至
戊申二月

陽湖 趙翼 耘菽

去歲袁子才自武夷歸以勝遊誇於余不覺見獵
心喜適制府欽齋李公以兵事入閩過常州邀
余偕往遂襍被從行先以詩報武夷

故人誇武夷使我勇欲賈忽逢旌麾過邀我遊閩土
嗜欲開必先黃色上睂宇遂作蠅附驥路指江郎浦人間
好山水鬱久奇必吐湖湘吟靈均巴蜀詠杜甫嶺外韓
柳蘇發泄亦十五獨茲甌越地寂寞自太古人地每相
待此事默有主或者生面開俟我作初祖所慚才思弱
難挾秘靈府維時方軍興航海被螳斧好掃雞毛筆速

捐人皮鼓事定早蠟屐幔亭訪仙羽一笑古錦囊中有
賓雲譜

賦呈李制府

忽隨使節別江村爲掃閩南瘴霧昏
朝倚重臣威海國我慚高士入軍門
筆無草檄新才思刀有征蠻舊血
痕莫笑掛冠翻入幕報師恩卽報

君恩

滄波一鳥起蚍蜉牽動東征萬斛舟
盜藪故多陳弔眼軍諮何藉賈長頭
揚帆風信催犀甲傳箭威聲壓蜃樓
誰道書生無膽力也思搖筆殺狂酋

忍堅卻聘臥江臯知己生平不易遭
萬里寒暄懷袖字

公在漢南及南
州皆有書見寄

八騶臨訪駐郊旌
尙慚老禿難磨盾
敢說英雄在捉刀
憑仗臨淮平賊早
歸程要踏武夷高

十載

十載江湖穩釣舟
忽參戎幕佐軍籌
人疑白首何輕出
我爲青山未遍遊
野店客魂雞膈膊
殊方蠻語鳥軻輶
憑添一卷閩南草
翠壁題名處處留

途中雜詩

簑笠寒江白刺篙
羽書曾不到蓬蒿
不知辛讜關何事
慷慨輕身赴杜湄

生平曾笑文長老
高士翻參幕府軍
今日侯門彈鋏去
有人又誦北山文

遙憶山茶曲檻前此時繁蘂放紅嫣正開花候身偏出
天爲先生省酒錢
百尺荒祠倚綠洞客星遺跡尙崔嵬出山恐被嚴陵笑
連夜催船過釣臺
隔歲無端動遠思此行亦似有前期可應天欠詩人債
遊武夷山喫荔支

仙霞嶺

地媼不甘卑突起聳天半四山積鐵黑陡削千尺岸何
年通往來綫路入穹漢閩越此扁鑰界畫天所判初從
井底升盤旋劣容駸馬蹄石迸火人顙笠雨汗曲磴萬
級梯喬松百尋綠漸躡罡風顛羣喘作雲渙屹然見雉

堞橫鎖兩崖斷扼隘成絕險石角露精悍信哉形勝地
一夫劒可按古來割據幾往往藉掀扞寶應及審知乘
時割疆畔翻疑天設險徒爲人長亂不知鴻濛初胡創
此危仄我來值承平途已列闔閭緬惟國初時遺孽
尚潛竄開門有降將省折槍半段國初取閩即之龍早有降意仙霞關不留一兵故大兵得長驅
入強藩繼鴟張欲取浙潮盟老巖當道臥終摧賊矛鋸
耿逆之變李武定兵扼此關賊不得出事往父老稀時清風景換重閉念勇夫
俯仰一揮翰

魚梁驛韓蘄王擒劉正彥處也

地險漁梁驛狂酋此擁師雖非大敵勇正值小朝危一
戰無遺寇偏安有始基江流千尺岸故跡令人思

建陽市謝疊山賣卜處

出亡悲故國忍死爲衰親托業重三卦埋名陽九辰澹
桑爻象變薇蕨課錢貧始覺成都市垂簾是幸人

延津

昔聞雷煥劍延津化龍去我行至其地灘險轟灑潏安
得驪頷珠但有石齒鋸乃知帶劍客舟壞失櫓具幻語
托神奇謂合雌雄翥奈何盡信書引爲干鏌據公案又
一重刻舟求故處

王審知墓

在福建布政使署
後相傳尚有神異

行省牆邊古木蒼相傳此地葬名王兄終弟及曾三世
道寡一孤白一方武帳未門金鳳貯幽宮應少玉魚藏

如何國土全拋後尚有英魂護斧堂

萬安橋畔有夏將軍廟卽傳奇所稱入海投文之
醉隸夏得海也事見明史蔡傳中戲書其事

於壁

堂上方呼下得海小吏應聲某斯在遂令賁檄赴海投
官已簽名不可改歸來先學鯨吸川一口直欲乾渤海
黑風任墮毒龍國白浪何須水犀鎧正潮來處企脚眠
曉出劉唐尺八腿是人非人鬼非鬼巡洋夜叉見而駭
急白鱗堂廣利王有个糟豚可作醢豈知明神助利涉
特作報章答守宰乘酒而出得醋還酉月廿一址堪壘
遂成鼉梁亘萬丈雄踞鯨浦屹千載蔡公祠旁嚴像設

易換頭銜發光彩生爲賤隸死將軍血食不愁若敖餒
始知要立人間名總須拚命死不悔

李公欲奏余再起入官敬辭誌意

久慣鄉閭款段遊多煩高誼勸鳴騶受恩終被人穿鼻
垂老羞爲妓生頭此客只宜吹鐵笛有人早已卜金甌
挑燈自顧顏唐影古井如何再起漚

海上望臺灣

極目滄溟浪接天中藏掌大一山川當年曾比田橫島

舊爲海道鄉
成功所據

今日重煩楊僕船颼力吼來風有母妖氛掃

去水無仙

用孫恩事

臨流遠想熊津督曾破周畱定海埏

弔湯緯堂殉難鳳山

一官海外正班春，伏莽無端起劫塵。絕徼嚴驅城守責，

名場詞客陣亡身。民皆相率登陴哭，賊亦羣驚按劍瞋。

挺劍殺賊而死

定有他年樂社祭，傳芭曲裏送迎神。

訟堂閒處富吟箋，不才傳以節傳宦。遠似飄羅剎國，

魂歸好附賈胡船。生前詩有題襟集，

君集近人句作詩話數卷

身後家

無負郭田。漫讀孝經堪退賊，可憐兒死父屍邊。

長君荀業從死

盆蘭

盆蘭滿把手親栽，曉起驚看一箭開。不坐花南坐花北，

爲他風片自南來。

食荔支

百顆新登市，無煩驛騎馳。肌膚姑射白，風味玉環肥。頓

覺清芬溢先令暑氣微老夫情不禁爲脫絳羅衣

自泉州至漳州道中作

閩遊未訪武夷君先踏泉南瘴海雲添得生平蛇一足
白頭出作老參軍

曾讀冬郎艷體詩飄零遺跡最堪思夕陽荒草南安路

句處空山訪墓碑

韓偓流寓
南安有墓

不信澆田仗井泉汲竿懸斗似秋千一田一井禾都灌
此是門南古井田

斷來山石百牛拖鐫刻精嚴異不磨碑碣滿途坊滿市
此邦人尙愛名多

高髻雙盤結束新擬將百琲買橫陳只愁枕上無重不

夜半誰來作舌人

堠館殘燈送馬蹄一弦海月出猶低十年高臥山中客
重聽荒郵半夜雞

廿里郵籤一歇鞍綠瓜丹荔已盈盤莫嫌喝道遊山俗
畢竟遊山也仗官

戲本所演八仙不知起於何時按王氏續文獻通
考及胡氏筆叢俱有辨論則前明已有之蓋演
自元時也沙溪旅館有繪圖成軸而題詩於上
者詞不雅馴因改書數語於後

何人學作王老志劾召鬼神示游戲把他多少古仙人
亂點鴛鴦集冠帔韓湘張果呂洞賓此外載籍無其人

山來化城本荒幻何必捫籥求其真天下都散漢竟作
時代看鐵拐無姓李或言劉跛子趙家外戚傳不聞曹
佾能脩煉藍衫老采和丈夫忽變爲嬌娥又况何姑愛
酬答偏與羣真坐聯榻仙家想是無凡心不妨男女相
混雜舞衣今作畫圖傳此輩猶爲有漏禪少年狡獪非
我事舉手自拍洪崖肩

卽景

筍輿鴉軋海天東訝許殊方景不同榕樹蔭門人面綠
山泥范瓦屋鱗紅閒酬知已聊償諾老作叅軍豈侔功
鄉國故人應共笑江南六月有荷風

啖荔戲書

昔啖荔支在南粵食不知味爲忙碌老來忽作閩南遊
天補此翁饒口福端陽纔過初嘗新酸澁猶教舌本縮
一日一變到圓滿百顆堆盤紅蔕蔕甘夫人臥絳紗中
一擘驚看白如玉豐腴應笑只識酥鮮潔兼令不思肉
就中一種更尤物核小而尖誰結束魴魚無刺蟹無甲
快事乃在佳果熟乳軟不煩齧齒勞蜜甜兼徹中邊復
托根豈植沒骨山結實徧彷彿虚心竹始信人間有絕品
椰酒蔗漿總凡木楊梅幸出半月前不與同時入市鬻
趙家姊妹將入宮嬋好早避長門宿龍眼在旁也狡黠
敢緩登場暫退伏玉環去後無美人如仙媛亦伴幽獨
只有李桃不自量正用此時縱如魏自恃猶思邢尹爭

相形已覺與臺辱老夫日翻君謨諸品題直到江家緣
彈圓箏橋次第嘗擬彷彿前賢增手錄人情最愛側生兒
忽引鄉思頓撥觸

同安道中遇雨

尋山阮孚自蠟屐因人作遊本非策我行夜過漳南道
邪許人多虎無迹一燈遠店紅有光千樹深林黑無隙
曉色夜色兩相遊此段清暉最可惜不知是烟還是海
但覺茫茫一片白少焉日氣蒸霧來熱逼鬚眉不可隔
力延朝爽輿寧憊已炙午歛衣透綌風聲雨聲山欲坼
水帶泥流滿溝亦直疑中有蛟龍鬪湧出空山血盈尺
是時老夫心膽裂本欲快遊翻受嚇惹他旁觀笑何苦

垂老翻爲瘴鄉客

漳州木棉種懷古

快事千秋一拉朽我爲天下殺此賊木棉花底血流紅
血紅花紅共一色憶昔平章正少年夜遊燈火滿湖邊
門高威里連宮掖朝倚長城奠海堦勲名蓋世誇援鄂
暗許金縢有成約歸去翻矜却敵功福華一部書韜畧
正當北國造基忙留得南朝處堂樂是時黃閣倚天開
葛嶺初賜改舊臺五日都堂班絕席百僚文案稟鈞裁
買田供饋邊軍費增餼牢籠太學才多寶閣成晨躡屐
半閒堂靜夜傳杯威行玉帶重泉取權効金輿大祀回
以去要君天子拜暫歸葬母太皇催廿載湖山紛綺繡

不堪砲打襄陽透圍城久絕虬蟬援相府方酣蟋蟀圍
事急倉皇再出師橫江戰敗難遮覆潰兵旗亂喚誰贖
逃將舟廻呼不救昔人曾恥言和議謂是偷安無志氣
到此翻思秦會之乞和未必非長計早知諾責召鄰兵
悔不盟書輸歲幣有詔師臣誤國謀山陰小吏正懷讎
願充押伴炭方去狹路相逢南劍州捧詔來呼買團練
巾車去蓋無呵殿杭歌嘲客夾途多閩檄逐人傳帖徧
已問吳潛何故來况堪葉李重相見當年意氣壓公卿
今日仰看丞尉面黯黯江清不肯投猶恃國恩延一線
漳寺喬柯蔭碧穹老拳於此逞英雄雖輸王著揮椎早
已勝施全刺刃空笑指木棉花樹下破銅山賊有奇功